

СЛУЖБА СОБОРУ ВСЕХ СВЯТЫХ ВОИНОВ

В НЕДЕЛЮ ПО ВОЗДВИЖЕНИИ НА ВЕЛИЦЕЙ ВЕЧЕРНИ:

На «Господи возвах» стихиры святым воинам, глас 6-й:

Радуйтесь ныне, православные людие,/ яко лучами солнечными просвещаеми Животворным Крестом Господним;/ сим же образом диавол посрамляется/ знамением победы Христа над смертию/ таже и подвигами святых воинов./ Сии же, яко звезды небесныя сияющи,/ небо Церкви облистают,/присно молятся спастися душам нашим.

Силою Божию препоясанных причастников Христова Царствия/ хранителей веры православныя,/ адаманта надежды на Бога светлых стражей, / любви жертвенныя житийных вестников, /восхвалим, горе сердца имамы, доблестию богатых воинов святых,/ непрестанно молящихся о нас, / показующих благочестия образ.

Торжества день всесветлый:/ Господь крепость людем Своим даст, / благословит Бог люди Своя миром, /молитвами угодников святых воинов./ Тако, радуящися, восхвалим/ Милость Божию.

Паремии:

Иисуса Навина чтение. (6, 1-19)

И рече господь ко Иисусу: се, Аз предаю тебе в руке Иерихон и царя его, и сущия въ нем, сильны крепостию: и обходите град окрест вси мужие крепцыи единою (на день), тако сотворите шесть дний: и седмь жерцы да возмут седмь труб рожаныхъ пред кивотом: и в седмый день обыдите градъ седмижды, и жерцы да вострубят в трубы рожаны: и будет егда вострубите трубою рожаною, внегда услышати вам глас трубы, да воскликнуть вси людие: и воскликнувшим им, падут сами стены града во основании своем, и внидутъ вси людие устремившеся кийждо прямо себе во град. И вниде иисус сын навин к жерцем сыновъ израилевых и рече им глаголя: возьмите кивоть завета господня, и седмь жерцы да возмут седмь труб рожаных пред лицом кивота господня. И рече им глаголя: повелите людем обыти и окружити град, и воины да предыдут

вооружени пред кивотом господним. И бысть егда рече иисус к людем, и семь жерцы имущи семь труб священных да предыдут такожде пред господем, и да вострубятъ доброгласно: и кивот завета господня вследъ по них да идет: воины же да предыдут напреди, и жерцы трубяще в трубы, и последующии создади кивота завета господня бяху идущи и трубяще трубами. Людем же заповеда иисус, глаголя: не вопите, ниже да слышит кто гласа вашего, ниже да изыдетъ из уст ваших слово до дне, в онъже повелю вам сам воскликнути, и тогда воскликните. И обшед кивот завета божия окрест града (единою), абие иде в полк, и ста тамо. Во второй же день воста иисус заутра, и воздвигоша жерцы кивот завета господня. И жерцы семь носящи семь труб предыдяху пред кивотом господним и трубиша трубами, и воины вооружени идяху, и прочии людие вследъ кивота завета господня идущи, и жерцы вострубиша трубами рожаными. И обыдоша град в день второй единою, и поидоша паки в полк: сице творяху шесть дней. И бысть в седмый день, восташа в востание утреннее, и обыдоша град в той день седмижды. И бысть во обхождении седмем вострубиша жерцы трубами, и рече иисус к сыном израиловым: воскликните, предаде бо господь вам град: и будет град сей проклят, и вся, елика суть в нем, господу сил: токмо раав блудницу снабдите ю, и вся, елика суть в дому ея, яко сокры прелогатаи, ихже посылахом: но вы соблюдетесь от клятвы, да не когда помысливше вы возмете от клятвы, и сотворите полк сыновъ израиловых клятву, и потребите ны: злато же все и серебро, и медь и железо свято да будет господу: в сокровище господне да внесетсѧ. И вострубиша жерцы трубами: егда же услышаша людие глас трубный, воскликнуша вси купно людие гласом великим и сильным: и падоша вся стены града окрест, и внидоша вси людие во град, кийждо противу себе, и прияша град.

Царствъ первых чтение (1Книга Царств. 17, 1-51).

И собираща иноплеменницы полки своя на брань, и собираща в сокхофе иудейстем, и ополчишася среде сокхофа и среди азика во афесдоммине. Саул же и мужие израилевы собираща и ополчишася во удоли теревинфа и устрояхуся на брань противу иноплеменником. И иноплеменницы стояху на горе отсюду

особь, израиль же стояше на горе отонуду, и удолю между ими баше. И изыде муж силен из полка иноплеменника, имя ему голиаф от гефа, высота его шесть лакот и пядь: и шлем медян на главе его, и в броню кольчату той оболчен баше: и вес брони его пять тысящ сикль меди и железа: и поножы медяны верху голений его, и щит медянь на плещах его: и ратовище копия его аки орудие ткущих, и копие его шесть сот сикль железа: и носяй оружие его идяше пред ним. И ста и возопи пред полки израиловыми и рече им: почто изыдoste, ополчитися ли на брань противу намь? несмь ли аз иноплеменник, вы же евре сауловы? изберите себе мужа, и да снидет ко мне: и аще возможет со мною братися и одолеет ми, будемь вам раби: аще же аз возмогу одолети ему, будете вы нам раби и поработаете нам. И рече иноплеменник: се, аз днесь уничижихь полк израилев в сей день: дадите ми мужа, иже поборется со мною един. И слыша саул и весь израиль глаголы иноплеменника сия и ужасошася и убояшася зело. Давид же ефрафеев, сей бе от вифлеема иудина, имя же отцу его иессей, емуже бе осмь сынов. Во дни же сауловы бе муж той состареся в мужех. И идоша три сыны иессеевы старейшии на брань съ саулом: имена же сынов его пошедших на брань, елиавь первородный его, и второй аминадав, и третий самма. Давид же бе юнейший, и три болшии его идоша вслед саула. Давид же возвратився от саула, отиде пасти овцы отца своего в вифлеем. И прихождаше иноплеменник утро и в вечер, являся пред израилем четыредесять дний. И рече иессей даvidу сыну своему: возми убо братиям твоим меру ефи муки и десять хлеб сих, и иди в полк, и даждь братиям твоим: и десять сыров от млека сего, и даждь тысящнику: и братию свою посети в мире, и еликих аще требуют, увеси, субботствовати же будеши со мною. Саул же и вси людие бяху во удоли дуба ратующеся со иноплеменники. И воста давид рано, овцы же остави со стражею, и взя, и отиде, якоже заповеда ему отец его иессей: и прииде на место, идеже исхождаху сильнии на брань и вопияху в полцех. Занеже вооружашеся израиль противу иноплеменником, и иноплеменницы вооружахуся противу израиля. И положи давид бремя свое в руках стража, и тече в полк, и пришед вопроси братию свою в мире. Глаголющу же ему с ними, и се, муж месейский, емуже имя голиаф, филистимлянин от

гефы, изыде от полков иноплеменничих и глагола по словесем сим, и услыша давид. И вси мужие израилевы егда увидеша мужа, и бежаша от лица его и убояшася зело. И реща мужие израильтестии: видесте ли мужа сего восходяща, яко поносити израиля прииде? и аще будет муж, иже убьет его, обогатит его царь богатством велиим, и дщерь свою даст ему, и дом отца его сотворить свободен во израили. И рече давид к мужем стоящим с ним, глаголя: что сотворите мужу, иже убьет иноплеменника онаго и отимет поношение от израиля? яко кто есть иноплеменникъ необрезанный сей, иже поносит полку бога живаго? И рекоша ему людие по словеси сему, глаголюще: тако сотворится мужу, иже убьет его. И услыша елиав брат его болший, внегда глаголати ему к мужем: и разгнеवासя яростию елиавъ на давида и рече: почто семо пришел еси? и кому оставил еси малыя овцы оны в пустыни? вемъ аз гордость твою и злобу сердца твоего, яко видения ради брани пришел еси. И рече давид: что сотворих ныне? несть ли речь? И отвратися от него ко иному и рече по словеси сему. И отвещаша ему людие по словеси прежнему. И слышаны быша глаголы, ихже глагола давид, и возвестиша пред саулом: и пояша его людие и приведоша его пред саула. И рече давид к саулу: да не ужасается сердце господину моему о сем, раб твой пойдет и поборется со иноплеменником сим. И рече саул к даvidу: не возможеши пойти ко иноплеменнику сему братися с ним, яко ты детищь еси, сей же муж борец есть от юности своя. И рече давид к саулу: егда пасяше раб твой отца своего стадо, и егда прихождаше лев или медведица и восхищаше от стада овцу едину: и аз вслед его исхождах и поражах его, и исторгах из уст его (взятое): и аще воспротивляшеся ми, то возьму за гортань его, поражах и умерщвляхъ его: и льва и медведицу бияше раб твой, и будет иноплеменникъ необрезанный сей яко един от сих: не поиду ли, и поражу его, и отиму днесь поношение от израиля? понеже кто необрезанный сей, иже уничижи полк бога жива? И рече давид: господь иже изьят мя от руки львовы и от руки медведицы, той измет мя от руки иноплеменника сего необрезаннаго. И рече саул к даvidу: иди, и да будет господь с тобою. И облече саул давида одеждею, и шлем медянь возложи на главу его, и препояса давида оружием своим верху одежды его. Давид же

походив (во оружии) семо и овамо, утрудися, яко не обыче. И рече давид саулу: не могу ити в сих, яко не обыкох. И взяша от него сия. И взя палицу свою в руку свою, и избра себе пять камней гладких от потока, и вложи я в тоболец пастырский егоже ношаше, и пращу свою имый в руке своей, и иде к мужу иноплеменнику. И идяше иноплеменник приближаяся к даvidу, и носяй оружие его пред ним (идяше). И виде голиаф иноплеменник даvida и обезчестова его, зане той детищъ бе, и чермен и леп очима. И рече иноплеменник к даvidу: еда пес азъ есмь, яко ты идеши противу мене с палицею и камениемъ? И рече давид: ни, но и хуждший пса. И прокля иноплеменник даvida боги своими. И рече иноплеменник к даvidу: гряди ко мне, и дам плоть твою птицам небесным и зверем земным. И рече давид иноплеменнику: ты идеши на мя съ мечем и с копием и щитом, аз же иду на тя во имя господа бога саваофа, Бога ополчения Израилева, егоже ты уничижил еси днесъ: и предаст тя господь днесъ в руке мои, и убью тя, и отиму главу твою от тебе, и дам тело твое и телеса полка иноплеменнича в день сей птицам небеснымъ и зверем земным: и уразумеет вся земля, яко есть господь бог во израили, и уразумеет весь сонм сей, яко не мечем ни копием спасает господь, яко господня брань, и предасть господь вас в руки наша. И воста иноплеменник и иде во сретение даvidу. И ускори давид и тече на сражение во сретение иноплеменнику. И простре давид руку свою в тоболец, и изья из него камень един, (и вложи в пращу,) и верже пращею, и порази иноплеменника в чело его, и унзе камень под шлемом его в чело его, и паде (голиафъ) на лица своем на землю. И укрепися давид над иноплеменником пращею и камением, и порази иноплеменника, и умертви его: оружия же не бе в руке даvidове. И тече скоро давид, и ста над ним, и взя мечь его, и извлече его от недр его, и умертви его, и отсече им главу его. И видеша иноплеменницы, яко умре сильный их, и бежаша.

Пророчества Исаиина чтение (Ис.43, 9-14)

Вси языцы собращася вкупе, и соберутся князи от них. Кто возвестит сия? или яже исперва кто возвестит вамъ? да приведут свидетели своя и оправдятся, и да услышат и да рекуть истину. Будите ми свидетелие, и аз свидетель, глаголет Господь Бог, и Отрок Мой, егоже избрах, да увесте и веруете ми и уразумеете,

яко Аз есмь: прежде Мене не бысть инь бог, и по мне не будет. Аз Бог, и несть разве Мене спасай. Аз возвестих и спасох, укорих, и не бе в вас чуждий: вы мне свидетелие, и Аз свидетель, глаголет Господь Бог, еще от начала, и несть изымаяй от руку Моею: сотворю, и кто отвратит е? Тако глаголет господь Бог, избавляяй вас, Святыи Израилев.

На литии стихиры святых воинов, глас 5-й:

Радуйтесь, боголюбивии воины Христовы,/ тесным путем доброделания прошедши,/ чистоты веры отеческия хранители,/ Православия защитницы./ Молитесь ко Господу/ даровати душам нашим мир и велию милость.

Любы истовыя явители,/ вовеселитесь благоразумнии други Христа Бога нашего,/ воины святии, / Триипостасного Божества вечныя трапезы сопричастницы, / молящиися о душах наших.

Ины стихиры, глас 2-й:

Веселися, Невесто Христова, Церкви Святая, / наста бо день торжества славнаго/ Христос сокруши врата адовы/ Военачальник славный воинов, / положивших в житии своем основание/ в Сем Жизнодавце.

Благодать Божия щедро изливается днесь в Церкви Православней от светильников любви присныя препоясанных крепостию смирения воинов Христовых.

Слава, глас 5-й:

Царствие Божие, / в силе пришедшее, / восприяли есте в душах, вои богомудрии,/ доблестию и страхом Божиим/ и верностью Христу Богу нашему.

И ныне, глас тойже:

Всї земнороднии/ стецёмся усёрдно со Безплóтными,// прославити Взбранную Воеводу, Богородицу Пречистую, рóждшую Творцá твáри.

На стиховне стихиры воскресные прилучившегося гласа,

Слава, глас 2-й:

Земля́ убо подвигами вашими благословіся, воины славнии:/ воздух же молением освятіся,// законом Любве сияющии.

И ныне, Богородичен, глас тойже:

Доме Пречистыя,/уделе благословенный,/Русь Святая,/ храни веру Православную,// в ней же тебе утверждение.

На благословении хлебов Богородице Дево: дважды, и тропарь святых воинов единожды, глас 5:

Сонм воинов непобедимых, светоносен полк Царя Небеснаго воспоим вернии, прием бо вся оружия Божия и оболкшеса во броня правды, святии воины победиша славно полки враг невидимых, Церковь же Христову просветиша зарями тмочисленными, темже молим Христа Бога тех молитвами спасти души наша.

На утрене.

На «Бог Господь» – тропарь воскресный, гласа 6-й (дважды). «Слава» – тропарь святых воинов, глас 5-й,

«И ныне» – тропарь праздника, глас 1-й.

Кафизмы 2-я и 3-я. Малые ектении. Седалны воскресные.

Величание святым воинам:

Величаем Вас, / вси святии воины Христоименитии,/ Церкви Православныя Украшение,/ и молитвенницы о душах наших.

Непорочны «Ангельский собор...». Затем. Ипакои, Степенны и прокимен святым воинам – глас 4.

Ипако́й святых воинов, глас 2:

В житии крест, яко ярем взявшии,/ ближним служити от сердца восхотевшии, воины святии/ венец Славы от Христа приемшии/ молитесь ко Господу, диавола поправшему// даровати мiрови ве́лию мiлость.

Седалны святых воинов по полиелее, глас 1:

Стояще во храме Господни, / во дворех дому Бога нашего, / хвалите имя Всеславнаго и Предивнаго во святых Своих, / превозносите, людие, вочеловечшагося Господа, / даровавшему людем своим таковых молитвенников, / души наша озаряющих светом благочестия / доблестию во бранех и страхом Божиим ситющих святых воинов,/ и сердца наша движущих к славословию Живоначальных Троицы.

Слава, и ныне, Богородичен, глас тойже:

Заступницу Тя жизни ве́мы / и твердую Хранительницу, Дево, / и искушений тучи рассеивающую, / и бесов нападения отгоняющую, / и молимся всегда: / от гибельных страстей наших избави нас.

Степе́нна, глас 4:

1 Антифо́н:

Хор: От юности моея/ мнози бóрют мя стра́сти,/ но Сам мя заступí// и спасí, Спа́се мой. *(Дважды)*

Ненави́дящи Си́бна,/ посрамíteся от Го́спода,/ я́ко трава́ бо огне́м// бу́дете изсо́хше. *(Дважды)*

Сла́ва Отцу́ и Сы́ну и Свято́му Ду́ху.

Святы́м Ду́хом/ вся́ка душа́ живи́тся,/ и чистото́ю возвыша́ется,// светле́ется Трóйческим еди́нством, священнота́йне.

И ныне и присно и во веки веков. Аминь.

Святѣм Духом/ всяка душа живѣтся,/ и чистотою
возвышается,// светлѣется Трѣйческим едѣнством,
священнотѣйне.

2 Антифѣн:

Хор: Воззвах Тебѣ Господи тепле,/ из глубины души моея,/ и мне да
будут на послушание// Божественная Твоя ушеса. *(Дважды)*

На Господа надежду всяк кто стяжав,// вышший есть всех
скорбящих. *(Дважды)*

Слава Отцу и Сыну и Святому Духу.

Святѣм Духом/ точатся благодатныя струи,/ напаяюща всяку
тварь// ко оживленію.

И ныне и присно и во веки веков. Аминь.

Святѣм Духом/ точатся благодатныя струи,/ напаяюща всяку
тварь// ко оживленію.

3 Антифѣн:

Хор: Сердце мое/ к Тебѣ, Слове, да возвысится,/ и да ничтоже
усладит мя// от мирских красот на слабость. *(Дважды)*

К матери своей/ якоже имать кто любовь,/ ко Господу
теплѣше// люблѣнием должни есмы. *(Дважды)*

Слава Отцу и Сыну и Святому Духу.

Святѣм Духом/ боговедения богатство,/ зренія, и
премудрости:// вся бо в сем отеческая веленія слово открывает.

И ныне и присно и во веки веков. Аминь.

Святѣм Духом/ боговедения богатство,/ зренія, и
премудрости:// вся бо в сем отеческая веленія слово открывает.

Прокимен, глас 4-й:

Святѣм, иже суть на земли Его, /удиви Господь вся хотения Своя в них.

Стих: Сохрани мя Господи, яко на Тя уповах.

Евангелие святым воинам- Ин.51 зач.

«Воскресение Христово видевше...». По 50-м псалме: «Слава» – «Молитвами
всех святых воинов...». Стихира воскресная, глас 6-й: «Воскрес Иисус от
гроба...».

**Канон воскресный гласа на 4,
Богородице на 2 , праздника на 2 и святых на 6.**

Канон святых глас 2, егоже краегранесне:

Похвалу приношу воинам Господним мира.

Песнь 1

Ирмос: Воду прошед, яко сушу, и египетскаго зла избежав, израильтянин вопияше: Избавителю и Богу нашему поим.

Припев: **В**си святии воины, молити Бога о нас.

Похвальное пение от избыта сердца уста наша вознести дерзают, вы же, о преславнии воины Христовы, от тяжких и лютых ны спасите.

Отверзите уста наша немощная, да по достоянию величати вас возможем, дивнии и всепетии мученицы, молитвами вашими от лютых спасаемии.

Христа Господа присно молити, богоизбранный соборе и всепетый, да милостию Своею сохранит род христианский и от тяжких и лютых спасет люди православныя.

Богородичен: **В**оспевающе песни молебныя, к Тебе прибегаем, о Мати Всепетая. Ты же, яко Владычице Державная, от тяжких и лютых нас спаси.

Катавасия: «Крест начертáв...».

Песнь 3

Ирмос: Небеснаго круга верхотворче Господи, и Церкви Зиждителю, Ты, мене утверди в любви Твоей, желаний краю, верных утверждение, Едине Человеколюбие.

Ангельских чинов сомолитвенницы, преславнии угодницы Божии и всепетии, о воинстве православнем и о мире всем предстательствуйте выну и во Православии недвижимы ны утвердите.

Личе богоизбранных воинов Господних, у Престола Божия предстоящи, молитесь ко Господу, да от бед сохранит люди и во Православии страну нашу утвердит.

Угодницы Христовы всеславнии, кровию своею любовь к Богу запечатлевшии, молитвами вашими неборимы ны во Православии утвердите.

Богородичен: Покров Твой, Мати Дево, воспевающе, имже от злых избавление прияхом, Тя присно молим во Православии ны недвижимы утвердiti.

Кондак, глас 2:

Доблии воины Иисус Христовы, /вернии друзи Божии,/ не обязастеся куплями житейскими,/ Воеводе же Взбранному преславно угодили есте,/ душу свою положив за други своя,/ темже пред Престолом Господа славы/ молитесь о еже спастися нам.

Икос:

Память собора всех святых воинов совершающе, / боголепными песньми прославим Божественнаго Утешителя, / даровавшаго явления Своя комуждо на пользу / и любовьию всесовершеннейшею оросившаго сердца верных Своих. / Сего ради Господа песнословяще, / ублажаем вас, предстателие наши, во бранах крепции // вы же непрестанно молитесь о верою чтущих вас.

Седален, глас 2.

Моление теплое принесите, прехвальнии, / ко Всемилостивому Богу Спасу нашему, / о граде и земле вашей предстательствующе; / от всякаго зла сохраните чада ваша / и от бед всяческих избавите, // небеснии и всепетии заступницы наши.

Слава, и ныне, Богородичен:

Моление теплое и Стена неборимая, / милости Источнице, мирови прибежище, / прилежно вопием Ти: Богородице Владычице, предвари, / и от бед избави нас, // Едина вскоре предстательствующая.

Песнь 4

Ирмос: *Услышах, Господи, смотрение Твоего таинства, разумех дела Твоя, и прославих Твое Божество.*

Руце присно ко Господу воздевающе, молитесь, воины святии, да от грехов очистит и страсти исцелит рабов Своих, во умилении взывающих: слава силе Твоей, Господи.

Исцеление испросите нам, достоблаженнии воины, елеем молитв ваших сердца наша от ран греховных врачующе, да Христу Спасу песнь вопием немолчно: слава силе Твоей, Господи.

Небесному Престолу предстояния молитвами вашими и нас сподобите, да купно с вами во веки воспоем: слава силе Твоей, Господи.

Богородичен: Отца Превечнаго Слове Собезначальне, Матере Твоея молитвами сохрани люди Твоя и купно со святыми пети сподоби: слава силе Твоей, Господи.

Песнь 5

Ирмос: *Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.*

Шуяго стояния на страшнем судищи Христовом избавите ны, доблестю славнии воины, и десныя страны причтения вашими молитвами сподобите, светильницы Церкви Земныя и Небесныя.

Умилостивите Господа о нас, во мраце греховнем погибающих и светом богопознания осветите сердца наша, песни похвальная вам вопиющих, о преславнии светильницы Церкви Земныя и Небесныя.

В суете дний утренюем вам, воины Христовы всеславнии: Света Невечернаго зрениа и нас сподобите и Правдою вечною сердца наша осияйте, преславнии светильницы Церкви Земныя и Небесныя.

Богородичен: О Всепетая Дево Владычице, пощади чада Твоя, спаси нас молитвами Твоими, предстояще Престолу Божию, Взбранная Воеводо непобедимого полка Царя Небесного.

Песнь 6

Ирмос: *Молитву пролию ко Господу и Тому возведу печали моя, яко зол душа моя исполнися и живот мой аду приближися, и молюся яко Иона: от тли, Боже, возведи мя.*

Иноческаго жития взыскавшии, ангелом на земли уподобилися есте, пречуднии воины Христовы, темже молитвами вашими из глубины неведения изведите нас, да с горними лики купно Господа величаем.

Небесныя чертоги наследити молитвами вашими ны сподобите, воины благодатию славнии, да предстательством вашим спасении, присно Господа величаем.

Архистратиг Михаил купно с чинами и воинствами святых ангел и архангел уставлены Зиждителем к служению славы Божией, тако и вои святии на земли храбрые во бранех врагов прогонителие и всем обидимым заступницы, Славы

Царствия Небеснаго сподобльшиися, молитесь Христу Богу нашему, евангельскаго света невечерняго зарями просветитися сердцам всех поющих вас, да присно Господа величаем.

Богородичен: Мати Божия, Всеславная, Царице Небесная, страстьми и грехи обуреваемых, милостию Твоею защити, да от злых избавлении, Покров Твой выну величаем.

Кондак и икос воскресен.

Песнь 7

Ирмос: От Иудеи дошедше отроцы, в Вавилоне иногда, верю Троическою пламень пещный попраша, поюще: отцев Боже, благословен еси.

Гордыню и зависть, злобу и гнева пещный пламень, огнем всезлобным разженную, молитвами вашими угасите, Ангели земнии и человецы Небеснии, воины Христолюбивии, да купно с вами пети возможем: отцев и наш Боже, благословен еси.

Отражающе прелогов стрелы тлителя смыслов, щит веры достоянию Христовому подаете, воины славнии, да житие ваше и подвиги во образ приемше, ко Господу шествуем непреткновенно, выну поюще: отцев и наш Боже, благословен еси.

Святии воины, подвиги вашими наставляеми, огня мирскаго избегати научаемся, огонь любви Господней в сердце носяще и радостию поюще: отцев и наш Боже, благословен еси.

Богородичен: Пречистая Дево Богородице, удел Твой сохрани, от всякаго злаго обстояния ограждая страну нашу, Сына Твоего знамение носящая и непрестанно взывающая: отцев и наш Боже, благословен еси.

Песнь 8

Ирмос: Царя Небеснаго, Егоже поют вси ангельстии, хвалите и превозносите во вся веки.

Огнем любви божественныя распаляеми, Димитрий Мироточец всеславный, Георгий, великомученик победный, Илие преподобне, похвало Печерская, Иероне военачальниче и Давиде царю Иверии, купно со всеми воинами

святыми, подвигом своим безбоязненным нас научают Господа воспевати во вся веки.

Дивными и всесветлыми лучами освещаемы, от Креста Господня Животворящего нам источаемыми, Константина равноапостольного царя прославляем, сим научаемы, Господа поим во вся веки.

Нечестия и предательства в сердца ваши не приявши, воины всечестнии, показали есте путь жизни вечныя, славяще честь вашу Господу песнь непрестанно приносим, Сего воспевающе во вся веки.

Богородичен: Истовых молитв просити дерзаем Владычице, пред Сыном Твоим и Богом нашим, Мати Всепетая, благодатию укрепляеми, песни Тебе молебныя приносим и милость Твою воспеваем во вся веки.

Песнь 9

Ирмос: *Воистинну Богородицу Тя исповедуем, спасеннии Тобою, Дево Чистая, с безплотными лики Тя величающе.*

Мужественни в доблести воины Христовы, Господа присно молитесь от всякаго зла сохранить и во Православии утвердiti чада ваша духовныя.

Мира благодные податели, ангели земнии и человецы Небеснии, звезды всесветлыя неба церковнаго, похвалы наша примите, воины святии, и во Православии утвердите чада ваша духовныя.

Истиннаго живота Царствия Христова сопричастники и нас быти сподобите, стражи благочестя, воины славнии граждане Иерусалима Горняго, и к Небеси путевожди явитесь чадом вашим духовным.

Ризы своя убелившия кровию Агнца Божественнаго, соборе предивный и всепетый воинов Царя Небеснаго, молитвами вашими одеяние душ наших просветите и Господню славу пети сподобите чада ваша духовныя.

Богородичен: Архангельский глас радостно приемшая, мучений вечных избави рабы Твоя, Богородице Дево, и Царствия Небеснаго причастники быти сподоби, да милость Твою воспеваем купно со всеми святыми воинами во веки веков.

Светилен воскресен.

Слава: святых воинов:

В песнях восхвалим светила незаходимая, полк светоносен Царя Небесного, воинов непобедимых, Христа славяще сих просветившаго и укрепившаго, та же в скорбех помощники нам даровавшаго.

И ныне: Богородичен воскресен.

На хвалите: стихиры на 8, воскресны 4, глас 2. Праздника – 2.

Таже святых воинов — 2, глас 8;

На **И** ныне, **Пр**еблагословенна еси Богородице Дево:

Стихиры на хвалитех, глас 8.

Стих: *Веселитесь о Господе и радуйтесь праведнии.*

О, воины славнии, достоблаженнии светильницы! / Подвиги и чудеса своими озарили есте вси концы земнии / и осияли верных сердца. / Песнословят вас днесь православных собори, / сликовствуют Силы Небеснии, / во святых дивному Богу славословие приносяще. / Их же предстательством, Щедре спаси души наша, // яко Благ и Человеколюбец.

Стих: *Дивен Бог во святых Своих, Бог Израилев.*

О богоявленный воинов собор! / Днесь на похвалу вашу сошедшеся, / паки воспомянуша житие и подвиги ваша, / душами умилимся и возрадуемся, / и песни достолепно воспоим, / и возвеличим память вашу! / **О,** боголюбезнии защитницы веры! / Вознесите ко Христу Богу молитву, // да спасет души наша.

«Слава» **О** богоявленный воинов собор! / Днесь на похвалу вашу сошедшеся, / паки воспомянуша житие и подвиги ваша, / душами умилимся и возрадуемся, / и песни достолепно воспоим, / и возвеличим память вашу! / **О,** боголюбезнии защитницы веры! / Вознесите ко Христу Богу молитву, // да спасет души наша.

«И ныне» – «Преблагословенна еси...».

Великое славословие.

По Трисвятом – тропарь воскресный: «Воскрес из гроба...».

Отпуст воскресный: «Воскресый из мертвых, Христос, Истинный Бог наш, молитвами Пречистыя Своея Матере, силою Честнаго и Животворящаго Креста...».

Стихира евангельская (4-я).

На 1-м и 6-м часе – тропарь воскресный. «Слава» – тропарь праздника. Кондак святых воинов.

На 3-м и 9-м часе – тропарь воскресный. «Слава» – тропарь воинов. Кондак воскресный.

На Литургии блаженны праздника – 6, и святых воинов, песнь 7-я – 4.

На входе: «...Воскресый из мертвых...».

По входе – тропари и кондаки:

Тропарь воскресный, тропарь праздника, тропарь святых воинов; кондак воскресный «Слава» – кондак святых воинов, «И ныне» – кондак праздника.

Поется Трисвятое.

Прокимен – Недели по Воздвижении (т. е. праздника) и святых воинов.

Прокимен воинов, глас 3: Господь просвещение мое и Спаситель мой, / кого убоюся?

Аллилуиарий⁷ – Недели по Воздвижении (т. е. праздника) и воскресный.

Апостол и Евангелие – Недели по Воздвижении и дня, святых воинов

Задостойник праздника.

Причasten – воскресный: «Хвалите Господа с Небес...», и праздника: «Знаменася на нас...».

Примечание. Возможно пение причастнов и в обратном порядке. См.: Типикон, 21 сентября, Маркова глава; Розанов В. Богослужебный Устав Православной Церкви. С. 362.

Отпуст воскресный: «Воскресый из мертвых, Христос, Истинный Бог наш, молитвами Пречистыя Своея Матере, силою Честнаго и Животворящаго Креста...».

Примечание. Указание Марковой главы Типикона под 15 сентября: «На Литургии... прокимен гласа оставляется», означает, что в Неделю по Воздвижении при святом, имеющем свой прокимен (напр., 15, 16 и 20 сентября), прокимен гласа не поется, потому что более двух прокимнов на Литургии никогда не бывает. Если святой не имеет своих чтений и прокимна (напр., 17, 18 и 19 сентября), то поются прокимен гласа и Недели по Воздвижении (т. е. праздника). См.: Розанов В. Богослужебный Устав Православной Церкви. С. 361–362.

Порядок чтений, согласно календарю: Утр. - [Ин.51 зач. В храме свв.воинов.](#)

Лит. - Недели по Воздвижении: [Гал., 203 зач., II, 16-20.](#) [Мк., 37 зач., VIII, 34 - IX, 1.](#)

Ряд.: [2 Кор., 176 зач., IV, 6-15.](#) [Мф., 92 зач., XXII, 35-46.](#)

Свв. воинам: [Еф., 233 зач., VI,10-17.](#) ; [Мф., 38 зач., X, 32-39.](#)